

論見之

二一明所離十一想縛二增信

三一標二徵三釋縛體此初標云謂即於

中復依第一真勝義諦循環復觀後十一想皆令解

脫論云何十一後後想縛演曰二徵數體論

謂於身等至十一縛演曰三釋如標分為十一者

摠於四諦理中遍觀真如第一義想名為初縛真想

未除亦名縛故餘皆准知二於雜染苦集諦中觀真

義想名第二縛集能招苦苦復起因因果有為皆名

造作三於清淨滅道諦中摠觀真如無造作想名第
三縛四觀滅道起常想縛道雖有為離染生滅相續
不斷亦名常故五於苦集起流轉縛六於滅道起無
變想七於苦集起有苦想以有生滅遷變異故
流轉起生滅住異自相想縛九於四諦起染

此道諦亦名無變不介攝法有不盡失十於四諦

無有我無染淨想十一觀於染淨起無遍計自性相
想此等所觀雖順其理由心帶相起執取心故皆名
縛 論由諸菩薩至皆得解脫 頌曰二釋依空修
習所以由依空境修念住等心得解脫故以修之

論復次至一切皆無 演曰二破執空文分為二先敘
外計後破彼非此初先敘清辯等云世俗門中可言
是有勝義境界萬法皆無何以知耶向所說言
空境修念住等得解脫故清辯菩薩依
成立俗有真空而說頌云真性有

玲伽論義三

四十一

無為無有實不起似空花真性之言顯依
空也 論應告彼言至何者勝義 演曰後
文分三分一論主詰問二外述已宗三尋言正
初問也 論如是問已至而起說故 演曰二外述

已宗文中有二先敘勝義後申世俗世俗有三標設
釋也 論應告彼言至世俗說有 演曰三尋

難文分為二一難名言二難自性初中有二先徵後
破此雙徵也 論若名言世俗至不應道理 演曰

後破分二先破因生後破無有此初也若從因生可
如幻有言非是有不應道理世俗芽莖從種而生體
皆有故 論若唯名言至不應道理 演曰後破無
有若假名言說有世俗世俗之體而即是無依無
有法者不應道理 論又應告言至無有

也論

故

演曰太

倒事故

後正破中

汝言勝義一切

諸可得者皆有自性今言無者不應理故

論復次

當知至第五說

演曰三釋大乘經起由敘文分爲

工先標後釋謂有小乘不信大乘是佛所說而起難

云汝立真如不生不滅與外道我不生不滅有何異

耶又汝大乘佛何處說爲何人說誰請佛說因何起

說起既無憑經亦無說既無說教所言依空修念住

等亦難依信故今釋云由五相故大乘經起皆有因緣經既有因所說依空修念住等故無虛介五相之中初恭敬者如說法華住在鷲峯光也二攝衆

瑜伽論義演三十

四十二

敦

者亦如彼經列同聞衆三尊重者如十地經解脫月等請而方說令尊重故四敘事者如法華中敘鷲子等昔修大也五說真等說真實所為大理盤說諸所作如牛車故 論復次依十至不共佛法 演曰三明十觀觀自共相文分為二一明能證不共佛法二明住地後轉勝因初文有 後釋此先標舉十

二處等是所觀境無顛倒道是能觀智由此了知十二處等所以能證不共之法 論當知此中至觀共相 演曰後釋分二先摠科判後隨科釋此初也 論謂於十二至不共佛法 演曰後隨科釋文分為二初明自相後明共相自相分二先釋後結釋中有六六中皆有釋及結也一者能了十二處等遍計所執但有假名無如名下所執實體 論復次於十至不共佛法 演曰二能了知於前所執唯能攝受遍計之心遍計之心起類非一名為種種 論復次於十至不共佛法 演曰三者能知十二處法必依因生

名依因轉轉謂生也 論復次至不共佛法 演曰
四了有為有漏依他是破壞法 論復次至寂滅清
淨 演曰五知滅道無漏清淨生起道諦寂滅諦
論復次至不共佛法 演曰六了有為是名言所依
之所名安足處 論如是六種觀察自相 演曰後
結之也 論復次即於至觀察共相 演曰後明共
相文今為二先釋後結釋中有四七了苦空無常等
四而是諸法共相自體名無倒道八了根本智之一
行真如共相九知無漏出世智品所行共相十
彼清淨因相體即道證涅槃因也結釋可知

復次當知至力殊勝 演曰二明住地後轉

瑜伽論義演三十

四十三

敦

住地言通目因果雖本正明究竟瑜伽顯後勝前所以通言因位無失 論復次勝義至一味相 演曰

第三辯衆功德本地分中功德品處雖摠略明未接教證故今引彼深密經中七品文釋文即為七一明勝義諦二辯心意識三彰一切法四明無自性五分別瑜伽六如實大乘七成所作事初中又二先摠標列後依標釋此先標列而有五相 論此勝義諦至無二相 演曰後依標釋文分為四一合明初二二

辯超尋思三辯過一異四章遍一味初中有二先
牒後釋此初先牒初二相也 論當知如解深密經
中 演曰後釋之中文分為二先標說處後引經釋
此初也此經前後摠經四譯准經目錄今此所引即
當第四大唐三藏玄奘法師所譯經也解猶釋也深
謂甚深密者秘密解彼深密名解深密 論如理請
問至為無二 演曰後引經釋文分為二一長行廣
辯二以頌結成初中有二一法說無二二舉喻以明
初中有二先摠後別摠中復二先問後答此初問也
此能問人諸經名異解節經云如理正問深密經云

善問菩薩其所問人名雖不同義乃無異解謂能解
無礙智也甚深等者即是所解境行等法從其所解
以得其名名解深等最勝子者歎美之詞佛為最勝
從勝所生說名為子深密解第二經之中俱名佛子
言一切法無二者言謂言說佛於餘處說一切法云無
二也云一切法無二者者勝佛說也何等一切法等者
正興問也問中有二一問一切二問無二 論解甚
深義至二者無為 演曰後答文二先答一切後答
無二此初一切而有二種一者有為有所為作依他

起性二者無為無所施設圓成性也 論是中有為
至非有為 演曰後答無二謂於依圓二性之上皆
無遍計有為無為二所執相名為無二故於有為無
為之中皆言非有非無為也無二之義雖有多門今
此且依有無為門而顯其體彰餘亦余以諸不二皆
不越此有無為故 論最勝子至非有為 演曰後
別辯中文分為二先問後答問中有二一問有為既
云有為如何復言非是有為非無為耶言非無為理
即不爽非有為者自語相違及違教失二問無為反
前應悉 論善男子至假施設句 演曰後答之中

文分為二一釋有為二辯無為初中有二一辯二無
二釋外難初文復二一正辯二無二設遮非有初中
又二一辯有為二例無為有為有二一彰假施設二
辯假非為此彰有為言假施設言本師者謂即佛也
言有為者佛假設也 論若是本師至非是有為

演曰二辯假非為展轉相成非有為也若本師等牒前
所說假施設句即是遍計所集言詞所說釋前所說
假句所由辯異生等執為實有即遣所執云非有為
謂即於佛所說之法有異生等遍計所集言詞所說
名為遍計非佛本句名為遍計故深密經云言有為

者唯是如來名字說法解飾經云此是大師正教言也又言若等亦牒前也即是已下即後釋也言究竟者顯決定義此揔意云佛言有為既是假設異生所執亦非成實故揔說言遍計有為皆非是有 論善

男子至亦墮言詞 演曰二例無為 論設離有為

至相亦尔 演曰二設遷非有設離二外更立第三非有無為同憤子部而立有我非是有為及無為者

體亦非有故唯識云又既不可說有為無為亦應不可說是我非我 論然非無事至謂之有為 演曰

二釋外難具標徵釋謂外難云若非有為及無為者
便無有事如何說言有無為耶故先標言然非無事
次徵意云既言有事事何等耶故後釋云謂諸聖者
聖智證見離言法性是名為事為欲令他現等覺故
假立名句說之有為理實法中非是有為非不有為
論善男子至其相亦尔 演曰二辯無為文分為二
一明二相無二釋外伏難初中復二先釋無為後例
有為有為無為體皆非有何以然者以計所執皆無
體故 論然非無事至謂之無為 演曰二釋外伏
難具標徵釋理同於前但離言中證見成實不同前

文見依他故 論最勝子至或謂無為 演曰二舉
喻明文分爲二先牒前問後舉喻明此即牒前釋外
難詞以爲問也 論善男子至彼弟子 演曰後舉
喻明文分三分謂喻合結喻中有三一幻生虛假喻
二愚人執實喻三慧知虛妄喻初中有四一辯幻師
二起幻處三幻所依四所幻事此初有二一者幻師
二幻弟子幻者惑也能爲幻惑名爲幻師幻師有三
一能起幻事名曰幻師於中有三一喻善惡業引果
勝故名幻師也二喻煩惱引生趣果三喻菩薩得定
自在能變化物以施有情二幻化之主名曰幻師喻

其識體名幻師也以有漏識是諸幻本住幻事中攝諸幻故三善達幻法名曰幻師喻諸菩薩名幻師也謂能知幻無迷亂故今言幻師當前二義前二義中初義思業菩薩名師所發身語菩薩之資名為弟子根本煩惱名之曰師隨煩惱等名為資也次義以識

瑜伽論義演三十

四十六 駁

而名為師心所為弟子 論住四衢道 演曰二起幻處八十四中喻四識住雜阿含經類四念處增一經中喻四諦理今此通喻理亦無傷問彼幻云何依四衢起答四諦念住所觀四境是所迷處因之識等

熏種生現名為起處又四識住識為其本由斯四道
故得起名 論積集瓦礫草葉木等 演曰三幻所
依謂即種子積集所生喻幻所依瓦礫等也以現必
依種方起故 論現作種種至藏等身 演曰四
所幻事文中有二先摠後別所謂為下明別幻事所
喻之法通情非情能喻還以情非情喻 論若諸眾
生至無所曉知 演曰二愚人執實喻文今為五一
辯能執人二明所迷境三彰起執因四因執起說五
辯重觀察此能執人無了知也愚癡頑鈍諸凡夫也
三慧未生故多頑鈍惡慧等者諸外道也雖有推求

不能曉知幻化依他而非有也 論於瓦礫草至幻
化事 演曰二明所迷境不了依他執為實有 論
見已至堅固執著 演曰三彰起執因喻起分別法
我執也見已之言喻邪分別聞已喻彼因邪教生故
唯識云要待邪教及邪分別後方起故 論隨起
言說至餘皆愚妄 演曰四因執起說 論彼於後
時應更觀察 演曰五辯重觀察顯前解謬畢竟
須依真正教理捨妄依他取真實也 論若有衆生
至有所曉知 演曰三慧知虛妄喻文分為五一辯
能了人喻入見道得善慧者而能曉知依他起身皆

如幻化非真實有 論於瓦礫草至諸幻化事 演

曰二明所了境有為無為 論見已聞已至庫藏等

身 演曰三辯知虛妄文分為二先知遍計後了依

瑜伽論義演三

四十七

敦

他此了遍計無實為等 論然有幻狀至差別之想

演曰後了依他幻體是有此幻狀體四緣和合非全

無故 論不如所見至餘皆愚妄 演曰四明辨妄

說文分為二一辯無妄談二彰有真說此無妄談顯

異於愚妄談說也 論為欲表知至起言說 演曰

二彰有真說為欲令他表知如前幻事不實故起言

說說彼非真稱法故名為真說 論彼於後時不
須觀察 演曰五不重觀定知前事非真實故 論
如是若有至不能了知 演曰次合說中文分為二
愚人執實合二慧知虛妄合初中有五一合迷人愚
夫類者合前愚鈍諸凡夫也異生類者合前惡慧諸
外道也雖有所修未登聖智名異生故於一切等而
合於前無所曉知不能曉知離言性有帶言說者而
即無故 論彼於一切有為無為 演曰二合互等
所達之境 論見已聞已至有為無為 演曰三合
起執 論如其所見至餘皆癡妄 演曰四合因執

而起妄說

論彼於彼時應更觀察

演曰五合重

觀顯前解謬

論若有衆生至如實了知

演曰二

慧知虛妄合文亦今五一合知妄善慧人也反前執

實應知其相

論彼於一切有為無為

演曰二合

所達境 論見已聞已至差別之想

演曰三合知

虛妄妄亦有二先知遍計然有分下後達依他言分

別者識自證分所起行相即是見分於境相中而起

行解故名行相皆是依他於此執實有為無為方名

遍計故唯識云變謂識體轉似二分相見俱依自證

起故依斯二分施設我法彼二離此無所依故 論

不如所見至隨起言說 演曰四合離妄說文中有

瑜伽論義演三十

四十八

軟

二一無妄說二為欲下合有真說 論彼於後時不

須觀察 演曰五合不重觀以顯前詳定無虛謬

論如是善男子至謂之無為 演曰三摠結之意可

知也 論今時至而說頌曰 演曰二以頌結成文

分為二先標後舉此初也言重頌者重有其四一者

文重而義不重如一瞿聲目九義等二者義重而文

不重如說帝釋有千名等三者文義二俱不重言人

天等四者文義二俱是重如次頌結重頌前義今當


第四說名為重而言頌者舊云偈蓋外國言而訛略也若于闐音云偈陟也若天竺云伽他此摠唐音云應頌也問何因頌置此應頌耶答有六意一為聽衆散亂異緣忘失前義欲令更得二為後來不及聞者令得聞故三為易受及易持故說經及偈說偈無經理約難受說經無偈文散難持四為利益二種人故具說經偈一為鈍根廣說經義若不廣說不能解故二為利根但略說偈五衆樂有二二者樂說慈悲多故二者樂行心寂靜故爲利人別故說經偈六願說人最爲善巧廣而能略略而能廣故說經偈論

佛說離言至非愚之所行 演曰後舉頌文共有八
句分之為二初有兩句牒前讚歎舉非顯是後之六
句明非者失初文有二上之九字牒前讚嘆下之五
字舉非顯是言離言者牒五門中初離言相言無二
者牒五門中二無二相無二相者理如前說有無為
中皆無有為無為相言非愚等舉非愚境反顯而是
諸聖所行故長行云諸聖智見離名言等 論愚夫
於此至言戲論 演曰後之六句明非者失失中有
三一有兩句生戲論失二有兩句釋流轉失三有兩

句生惡趣失此初失也言於此者此前離言無二義也著二依者有無為也言戲論者即言說也故長行云被於一切有為無為所見所聞堅固執著隨起言說故重頌也 論彼或不定至生死苦 頌曰二有兩句釋流轉失於中文二初句示前能執類別後句示前樂著等果由聚不定及邪定故流轉五趣生死等苦不定聚等即前愚夫迷執等也 論復違如是至等類中 頌曰三有兩句生惡趣失復由違於正智論故放生惡趣牛等類中不能分別

十三卷演義論地師伽瑜

瑜伽師地論義演卷第三十



演曰三結方了

不達況外申問此即初也 論是故世尊至況諸外道

演曰後因內不達況外申問文中有二初善現問後如
來答此初也 論今時世尊至施設照了 演曰後如

瑜伽師地論義演卷第三十一 第五張 素字号

來答中文分爲三一答二徵三釋此初也 論何以故

演曰二徵也 論善現至無別異相 演曰第三釋中

有三復次初中分二初正釋後結成此初也此明勝義

諦即是蘊處界緣起食諦三十七品一味真如相無別
異相下一味言亦准此釋 論是故善現至一味相
演曰後結成前義 論復次善現至審察趣證 演曰
第二復次文分爲二初正釋後結成此初也 論是故
善現至一味相 演曰後結成前義 論復次善現至
法界安立 演曰第三復次文分爲二初正釋後結成
此初也 論是故善現至一味相 演曰後結成前義
論善現譬如至異性異相 演曰後舉喻以明文中
有
二先喻後合此初也猶如虛空遍諸色類喻彼真如通
諸法類也 論一切法中至當知亦然 演曰後合可

知論今時世尊至依上慢 演日後以頌結成文意
可解

論卷第七十六 攝波擇分中菩薩地之五 論

復次心意識相 演日第二辯心意識文中分二初標
後釋此初也 論當知如解深密經中 演日後釋中
分二先標說處後引經釋此初也 論廣慧菩薩至說
是語已 演日後引經釋文分爲二初長行廣辯後以
頌結成初中分二初問後答此初問意如世尊說乃至
於心意識秘密善巧菩薩者齊何位次得名爲於心意
識秘密善巧菩薩如來齊何位次施設建立彼爲於心

意識秘密善巧菩薩 論今時世尊至秘密義 演曰
後答之中文分爲二初讚問許說後依義辯明此初也
論廣慧當知至不具二種 演曰後依義辯明文中分
三一彰其法說二舉喻以明三正答前問初中有三一

瑜伽師地論義演卷第三十一第六張 系字號

依阿陀那解釋其義二依阿陀那通異名妨三依阿陀
那建立六識此初也梵云阿陀那此云執持亦云執受
若望種子即名執持令種不失無覺受故色根依處名
爲執受令根不壞生覺受故論據通言惣云執受亦不
違也 論復次廣慧至滋長故 演曰二依阿陀那通

異名妨問此第八識但名阿賴耶如何亦名阿陀那識
及名心耶論主通云此識亦名阿陀那識其三種識中
各有標徵釋也梵云阿賴耶識唐言藏識識能含藏
法種故又此賴耶具三藏義能藏所藏執藏義故與雜
染法牙爲緣故有情執爲自內我故梵云質多此名心
也攝論第一云由種種法積集種子等即積集義是心
義集起義是心義以能集生多種子故或能熏種於此
識中旣積集已後起諸法故說此識名爲心義此中雖
舉三名而宗辯阿陀那識故論但標阿陀那識爲其依
止建立六識故後頌中亦但標其阿陀那識意同此也

論復次廣慧至意識轉 演曰三依阿陀那建立六識
文分爲二初明諸識意識俱轉後辯諸識意俱唯一此
初也此中有識者眼及色等有能執受阿陀那識故云
有識 論廣慧至同所行 演曰後辯諸識意俱唯
論廣慧譬如至滅盡可得 演曰二舉喻以明文中有
二初舉喻後法合此初也 論如是廣慧至五識身轉
演曰後合 論廣慧如是至善巧菩薩 演曰三正答
前問文中分二初正釋後結成此初也若諸菩薩於內
各別如實不見阿陀那者不見用也不見阿陀那識者
不見體也餘句例然即證真如時不見諸法是名勝義

善巧菩薩 論廣慧齊此至善巧菩薩 演日後結成

論尔時世尊至執爲我 演日後以頌結成准唯識論

瑜伽師地論義演卷第三十一 第七 張 素字号

解此頌云以能執持諸法種子及能執受色根依處亦
能執取結生相續故說此識名阿陀那無姓有情不肖
窮底故說甚深趣寂種姓不能通達故名甚細是一切
法真實種子緣擊便生轉識波浪恒無間斷猶如暴流
凡即無姓愚即趣寂恐彼於此起分別執墮諸惡趣障
生聖道故我世尊不爲開演頌中從本爲論故不言意
識二也 論復次一切法相 演曰第三彰一切法文

中分二初標後釋此初也 論當知如解深密經中
演曰後釋中分二先標說處後引經釋此初也 論德
本菩薩至說是語已 演曰後引經釋文分爲二初長
行廣辯後以頌結成初中分二初問後答此初問也
論今時世尊至諸法相 演曰後答之中文分爲二
讚問許說後依義辯明此初也 論謂諸法相略有三
種 演曰後依義辯明文中分二初以六復次明三性
法後結勝後三正答前問初中有四一標二徵三列四
釋此初標也 論何等爲三 演曰二徵也 論一者
遍計至圓成實相 演曰三列也 論云何諸法至計

所執相 演曰四釋之中文分爲三一明遍計二明依
他三明圓成初中有二初徵後釋此初徵也 論謂一
切法至隨起言說 演曰後釋可知 論云何諸法依
他起相 演曰二明依他文復分二初徵後釋此初徵
也 論謂一切法至純大苦蘊 演曰後釋也 論
何諸法圓成實相 演曰三明圓成文亦分二初徵後
釋此初徵也 論謂一切法至方證圓滿 演曰後釋
也 論復次德本至當知亦尔 演曰第二復次文中
分三一明遍計二明依他三明圓成此初分二初喻後
合如文可知問眩翳是因緣法正是依他云何喻遍計

所執耶答舉能起眩翳依他之法顯所起毛輪喻遍計
所執約返顯說理亦無違 論如眩翳人至當知亦尔

演曰二明依他文中分二初喻後合此所起毛輪遍計
之法顯能起眩翳喻依他起性餘如前說 論如淨眼
人至當知亦尔 演曰三明圓成文亦分二初喻後合

如淨眼人見法本性喻根本智證圓成實 論復次德
本至當知亦尔 演曰第三復次文中有三一明遍計
二明依他三明圓成初中文二初喻後合頗眈迦者三
藏云此處無名可翻似水精白珠無定色與四色合即

似四色影像惑亂有情邪心執實帝青大青末居寶像者梵云因陀羅此云帝釋也此即帝釋青摩尼珠西方有青珠色似帝釋青珠故遂以名也此是青中淺青色梵云摩何尼羅此云大青即是紺青色末居者梵語即珠之通名末羅羯多者此間無名可翻如彼清淨頗胝迦乃至習氣當知亦尔者此合能執習氣所執爲遍計也論如彼清淨至當知亦尔演曰二明依他文中有二初喻後合即以頗胝迦寶合依他也論如彼清淨至當知亦尔演曰三明圓成文亦有二初喻後合文易可解論復次德本至而可了知演曰第四復

次文中分三一明遍計二明依他三明圓成此初也由
計相名所詮能詮定相屬審以爲緣故即遍計所執相
而可了知 論依他起相至而可了知 演曰二明依
他由能遍計所執相執以爲緣故即依他起相而可了
知 論依他起相至而可了知 演曰三明圓成由依
他上遍計所執相無執以爲緣故即圓成實相而可了
知 論復次德本至無相之法 演曰第五復次文分
爲三一明遍計二明依他三明圓成此初也 論若諸

菩薩至雜染相法 演曰二明依他 論若諸菩薩至

清淨相法 演曰三明圓成明知三性勝利了知圓成
即能了知一切清淨相法 論復次德本至清淨相法
演曰第六復次明遍計依他圓成三性如次此明斷證
勝利若能於依他上了知無相故即能斷除及證於淨
論如是德本至善巧菩薩 演曰後結牒後三正答前
問此中結文但牒後三復次答前所問逐義便故或文
略故不牒前三 論余時世尊至可憐愍 演曰後以
頌結成頌中初一頌結後二復次意令了遍計無斷依
他除證圓成淨不介成過後一頌上半若觀諸行預防
衆過始得無咎不介便成損害有情下半頌言懈怠者

正障精進不能修定住法者是禪定動法者是散亂無
者無其禪定有者有其散亂失壞者失壞善法由懈怠
故無上住法禪定有上動法散亂失壞善法沉墮惡道
智者傷哉可憐愍矣 論復次諸法無自性相 演曰第
四明無自性文分爲二初標後釋此初也 論當知如
解深密經中 演曰後釋之中文分爲二先標說處後
引經釋此初也 論勝義生至說是語已 演曰後引
經釋文分爲五一問荅密意二領解讀嘆三辯教優劣
四請立經名五時衆得益初中分二初長行廣辯後以
頌結成初中復二初問後荅此初問云世尊以無量門

曾說諸蘊所有自相生相滅相永斷遍知等世尊後時
復說一切諸法皆無自性無生無滅本來寂靜自性涅
盤前後既乃相違未審世尊依何密意作如是說乃至
所有密意論今時世尊至所有密意演日後答之
中文分爲二初讀問許說後依義辯明此初也論勝
義生至皆無自性演日後依義辯明文中分五一明

瑜伽師地論義演卷第三十一

十

素

諸法皆無自性二明立三無性因緣三明觀機說三無
性四明秘密說一乘意五明密教有了不了初中分二
初明無自性後辯無生滅初中分三一彰其法說二舉

喻以明三結答前問初中有三一標二列三釋此初標也 論謂相無自性至無自性性 演曰二列也 論善男子至無自性性 演曰三釋之中又分爲三二明相無自性性二明生無自性性三明勝義無自性性初中有五一問二答三徵四釋五結次第如文 論云何諸法至無自性性 演曰二明生無自性性文亦分五一問二答三徵四釋五結 論云何諸法至無自性性 演曰三明勝義無自性性文中分二初約依他名勝義無自性性後依圓成名勝義無自性性初中分二初正釋後通妨此初也問生無自性即是緣生如何得名勝

義無性舉論荅云 論即緣生法至無自性性 演曰
後通妨文中分三一正荅二復徵三釋成 論復有諸
法至無自性性 演曰後依圓成名勝義無自性性文
中分四一標二徵三釋四結一切諸法法無我性名為
勝義者不以無我即為圓成實體圓成實體乃是具如
然由無我門顯故從能顯說云無我名為勝義真如是
諸法勝義諦體由無相性門之所顯故說勝義名為無
性 論善男子至當知亦尔 演曰二舉喻以明文分
為三一喻相無自性性二喻生無自性性三喻勝義無
自性性初中分二初喻後合 論譬如幻像至當知亦

尔 演曰二喻生無自性性文中有二初喻後合此中
一分喻依他生無自性性一分喻勝義生無自性性
論譬如虛空至遍一切故 演曰三喻勝義無自性性
文中有三一喻二合三結 論善男子至皆無自性

演曰三結答前問 論勝義生至般涅槃故 演曰後
辯無生滅文中分二初依通計明無生滅後依圖成明
無生滅初中分二初釋歸涅槃後結答前問初中分三
一依相義解二徵其所以三釋成涅槃 論是故我依
至自性涅槃 演曰後結答前問 論善男子至自性

涅槃盤 演曰後依圓成明無生滅文中分二初釋歸涅槃後結答前問初中分三一依義正解二徵其所以三釋成涅槃 論是故我依至自性涅槃 演曰後結答前問 論復次勝義至無自性性 演曰二明立三無性因緣文中分三一明建立三無性因二明起執皆由遍計三結成過六趣無休此初也 論由遍計所執至自性相 演曰二明起執皆由遍計或由言說隨覺者即是了別名言衆生起遍計執或由言說隨眠者即是不了名言衆生如嬰兒等任運分別熏種力故亦起於執 論如如執著至受諸苦惱 演曰三結成過六趣

無休 論復次勝義生至二種資糧 演曰三明觀機

說三無性文中分二初唯說生無自性性法後通說餘
二無自性法初中分三一明所被之機二明能被之教
三明聞法得益此初也所被機者從未種善根乃至未
集福慧二種資糧人也 論我爲被故至宣說諸法

演曰二明能被之教佛爲未種善根乃至未集福慧二
種資糧之人說生無自性性法緣生之法意令了達無常
修集福慧二資糧也 論彼聞是已至二種資糧 演

曰三明聞法得益 論然於生無至諸生雜染 演曰
後通餘二無自性性法文中亦分三一明所被之機二明

能被之教三明聞法得益此初也所被機者雖聞生無
自性性法解了無常修集福慧二資糧然於生無自性

瑜伽師地論義演卷第三

十二

素

性中未能如實了知相無自性性及二種勝義無自性
性乃至未遍解脫煩惱雜染論如來為彼至生雜染
故演曰二明能被之教如來為彼已修福慧資糧菩
薩更說相無自性性及勝義無自性性欲令於一切行
能正默故乃至超過一切生雜染故論彼聞如是至
三種雜染演曰三明聞法得益彼聞法已從初資糧
進入加行乃至見道通達位中獲斯益故餘義可知

論復次勝義至更無第二

演曰四明秘密說一乘意

文中分二初明密意說唯一乘後明有情根性差別初中有二初正釋後結成此初也此明三乘人同依一清淨道證得涅槃故云一切聲聞獨覺菩薩皆共此一妙清淨道等論我依此故至唯有一乘演曰後結成密意說唯一乘論非於一切至有情差別演曰後明有情根性差別文中分二初惣標舉後各別明此初也惣中意者非於一切有情界中無有種種下中上根三乘差別也論善男子至正等菩提演曰後各別明文中分二初明定性聲聞後明不定性聲聞初中分

三一標舉二徵詰三釋成此初也 論何以故 演曰
二徵詰也 論由彼本來至趣寂聲聞 演曰三釋成
文中今二初正釋後結成 論若迴向菩提至說爲菩
薩 演曰後明不定性聲聞文中今三一標舉二徵詰
三釋成此初標舉若迴向菩提聲聞種姓補特伽羅我
亦異門說爲菩薩者如舍利弗等 論何以故 演曰
二徵詰 論彼既解脫至聲聞種姓 演曰三釋成文
今爲二初正釋後結成 論復次勝義至自性涅槃
演曰五明密教有了不了文中今三一標舉二別釋三
結成此初也 論於是經中至現正等覺 演曰二別

釋文分爲四一解佛密意深生淨信二無力能解然生
淨信三雖生信解於義執著四轉聽候傳起見同異此
初也 論若諸有情至亦能成熟 演曰二無力能解
然生淨信 論若諸有情至無量善法 演曰三雖生
信解於義執著 論復有有情至退失善法 演曰四
轉聽候傳起見同異文中分二初隨其師見同失善法
後不隨師見言非佛語此初也 論若有有情至大業
障故 演曰二不隨師見言非佛語 論善男子至差
別可得 演曰三結成 論尔時世尊至謂常樂 演

日後以頌結成第一頌頌前第一段文第二頌頌前第二第三第五段文第三第四第五頌頌前第四段文密說一乘雖說諸法無性意明遍計所執諸法無性不說依圓無性無相之理非凡能了名爲微妙難思無漏界也三乘聖人同證此理故言於中解脫等無差由證圓成名一切義成斷彼依他名離惑苦此圓成實即是有餘無餘二種涅槃以涅槃之體由離惑故名常由離苦故稱樂即涅槃體上說此常樂二種異名故云二種異說謂常樂論今時勝義至最難通達 演曰二領解讚嘆文分爲二初勝義領解後世尊讚嘆初文分二初

讚佛密意甚深難通後述已投誠聞法領解此初也

論如是我今至無自性性 演曰後述已投誠聞法領

解文中有一初彰其法說後舉喻以明初中分三一依

五蘊明三無性二依四諦明三無性三依正定明三無

性初中分二初依色蘊明三無性後例餘法明三無性

初中分三一明遍計無性二明依他無性三明圓成無

性此初也 論若即分別至無自性性 演曰二明依

他無性 論如是我今至無自性性 演曰三明圓成

瑜伽師地論義演卷第三十一

古

素字号

無性 論如於色蘊至皆應廣說 演曰後例餘法明

三無性文中有二初正例餘四蘊後兼例處等法此初也
論如於諸蘊至皆應廣說 演曰後兼例處等法
論如是我今至無自性性 演曰二依四諦明三無性
文中二初依苦諦明三無性後例餘法明三無性初
中分三一明遍計無性二明依他無性三明圓成無性
此初也 論若即分別至無自性性 演曰二明依他
無性 論如是我今至無自性性 演曰三明圓成無
性 論如於苦諦至皆應廣說 演曰後例餘法明三
無性文中分二初正例餘三諦後兼例念住等此初也
論如於聖諦至皆應廣說 演曰後兼例念住等 論

如是我今至無自性性 演曰三依正定明三無性文
中分三一明遍計無性二明依他無性三明圓成無性
此初也 論若即分別至無自性性 演曰二明依他
無性 論如是我今至無自性性 演曰三明圓成無
性 論世尊譬如至皆應安處 演曰後舉喻以明文
分爲四一毗濕縛藥喻二如彩畫地喻三熟酥勝味喻
四虛空能通喻初中分二初舉喻後法合此初也梵云
毗濕縛唐云有功能一切散藥仙藥方中有此藥者皆
有功能皆應安處此藥平穩調和諸藥一切丸散皆安
此味 論如是世尊至皆應安處 演曰後法合依此

諸法皆無自性者依此諸法皆無遍計自性不無依圓
既說遍計是無依圓是有名了義言教應以了義言教
遍於一切不了義經故云皆應安處 論世尊如彩至
彩盡事業 演曰二如彩盡地喻文中分二初舉喻後
法合此初也如欲彩盡先安白粉為地遍於一切彩盡
事業復能顯發彩盡事業儀相分明 論如是世尊至

瑜伽師地論義演卷第三十一

十五

素

所不了義 演曰後法合如前可知 論世尊譬如至
更生勝味 演曰三熟酥勝味喻文中分二初舉喻後
法合此初也 論如是世尊至生勝歡喜 演曰後法

合 論世尊辟如至所作事業 演曰四虛空能遍喻

文中分二初舉喻後法合此初也如空遍滿一切色處

不障一切所作事業 論如是世尊至說是語已 演

曰後法合 論今時世尊至汝應受持 演曰後世尊

讚嘆 論勝義生至安足處所 演曰第三辯教優劣

文中分二初明三時教優劣後明持經福優劣此初也

世尊初於一時在婆羅痾斯仙人墮處施鹿林中唯為

發趣聲聞乘者轉四諦輪說阿笈摩除我有執今小根

等漸登聖位彼聞四諦唯斷我愚而於諸法迷執實有

雖是甚奇甚為希有一切世間諸天人等先無有能如

法轉者而於彼時所轉法輪有上有容是未了義是諸
淨論安足處所世尊爲除彼法有執第二時中於其鷲
嶺唯爲發趣修大乘者說諸法空依一切法皆無自性
無生無滅本來寂靜自性涅槃所謂摩訶般若經等今
中根品捨小趣大彼聞世尊以隱密相轉正法輪說無
破有便撈二諦性相皆空爲無上理雖更甚奇甚爲希
有而於彼時所轉法輪亦是有上有所容愛猶未了義
是諸淨論安足處所世尊爲除此有空二執於第三時
中普爲發趣一切乘者依一切法皆無自性無生無滅
本來寂靜自性涅槃無自性性即是此經以顯了相轉

正法輪說一切法唯有識等心外法無破初有執非無
內識遣後執空離有無邊正處中道於真諦理悟證有
方於俗諦中妙能留捨第一甚奇最爲希有于今世尊
所轉法輪無上無容是真了義非諸諍論安足處所

瑜伽師地論義演卷第三十一

十六

素

論世尊若善男子至說是語已 演曰後明持經福優
劣文中分二初勝義問後世尊答此初也 論今時世
尊至說是語已 演曰後世尊答也 論勝義生至云
何奉持 演曰第四請立經名文中分二初問後答此
初問也 論佛告勝義至汝當奉持 演曰後答可知

論說此勝義至無生法忍 演曰第五時衆得益六百
千衆生等者由聞了義教時發菩提心得至十信也三
百千聲聞等者由智慧劣故雖聞了義但得小乘初果
法忍永離煩惱名爲遠塵法智永斷障垢故云離垢見
法明白故稱眼淨一百五十千聲聞等者永除三漏故
稱永盡諸漏言三漏者一欲漏二有漏三無明漏欲漏
者欲界九使除無明是欲漏體所謂身見邊見見取或
取邪見貪嗔慢疑也有漏者色無色界八使除無明及
冥名有漏體謂五見貪慢疑也無明漏者三界無明使
也所以名欲漏者欲界諸煩惱於五塵中而生漏故名

爲欲漏有漏者色無色界諸煩惱於有身中而生漏故名爲有漏無明漏者自性愚癡即無明是漏故名無明漏證無學智心慧無身名心得解脫七十五千菩薩等者七十五千菩薩聞此了義教時即證初地無生忍忍性即是無分別慧於無生法情安忍可名無生忍問世尊但說一了義教何故獲益三乘不同答佛以一音演法衆生聞者各解不同明佛巧化各得異受欲別修行獲其利者獲其異利故維摩經云佛以一音演說法衆生各各隨所解普得受行獲其利正與此同

論復次至舍耶道

演曰第五分別瑜伽文中分二

初標後釋此初標也

論當知如解深密經中

演曰

瑜伽師地論義演卷第三十一

十七

素

後釋中分二初標說處後引經釋此初也

論慈氏菩

薩至毗鉢舍那

演曰後引經釋文分爲三一明止觀

義二請立經名三時衆得益初中分二初長行廣辯後

以頌結成初文復二初諸門解釋後讚述勸學初中分

爲二十六門一止觀依住門二所緣境事門三求善止

觀門四止觀方便門五止觀一異門六止觀單雙門七

法數同異門八隨法信行門九緣法別惣門十有尋等

三門十一止等三相門十二知法知義門十三三慧差別門十四智見差別門十五遣相方便門十六依空遣相門十七能攝勝定門十八止觀因果門十九止觀作業門二十止觀惑障門二十一圓滿清淨門二十二止觀散動門二十三止觀治障門二十四修證菩提門二十五引發威德門二十六涅槃滅受門初門有二初慈氏問後如來答此初問也 論佛告慈氏至毗鉢舍那演曰後如來答 論世尊如說至所緣境事 演曰二所緣境事門文中分二初問後答此初問也 論善男子至所作成辦 演曰後答易知 論世尊云何至毗

鉢舍那 演曰三求善止觀門文中分二初問後答此
初問也 論善男子至見善通達 演曰後答分二初
明所說之法後辯能受之心此初也 論即於如所至
捨離心相 演曰後辯能受之心文中分二初辯求止
後明善觀此初也 論即於如是至毗鉢舍那 演曰
後明善觀 論世尊若諸至當名何等 演曰四止觀
方便門文分爲二初明求止方便後辯求觀方便初中
分二初問後答此初問也 論善男子至相應作意
演曰後答緣聞思心相續見分今時非止但是隨順奢
摩他相應作意爲求止方便門也 論世尊若諸至當

名何等

演曰後辯求觀方便文中分二初問後答此

初也

論善男子至相應作意

演曰後答聞思二慧

思惟諸法影像相時但隨順觀相應作意求觀方便而
非觀體以所辯觀是修慧故 論世尊奢摩至當言無

異 演曰五止觀一異門文中分三一明止觀自性一

異二明止觀見相一異三明散心見相一異初中分二

初問後答此初問也

論善男子至非所緣故

演曰

後答意云據本質說止觀同緣一境故言非有異約影
像論止緣無分別影像觀緣有分別影像即有分別影

像非止所緣故云非無異 論世尊諸毗至當言無異
演曰二明止觀見相一異文中分二初問後答此初問
也 論善男子至識所現故 演曰後答分二初依法
說後舉喻明初中分二初明無異後通妨難此初也文
有標徵釋三意可解也 論世尊若彼至還見此心
演曰後通妨難文分爲二初申妨後通釋此初也 論
善男子至影像顯現 演曰後通釋 論善男子至影像
顯現 演曰後舉喻明 論世尊若諸至亦無異耶
演曰三明散心見相一異文中分二初問後答此初問
也 論善男子至作顛倒解 演曰後答可知 論世

尊齊何至思惟心相 演曰六止觀單雙門文中分二
初依單雙問答後約單雙徵釋初中分三一單問答觀
二單問答止三雙問答二此初也 論世尊齊何至惟
無間心 演曰二單問答止 論世尊齊何至心一境
性 演曰三雙問答二 論世尊云何至舍那所緣
演曰後約單雙徵釋文中分三一單徵釋觀二單徵釋
止三雙徵釋二此初也 論世尊云何至他所緣 演
曰二單徵釋止 論世尊云何至思惟如性 演曰三

雙徵釋二 論世尊毗鉢至有幾種 演曰七法數同

異門文中分二初問觀後明止初中分二初問後答此
初問也 論善男子至毗鉢舍那 演日後答分三一
標二列三釋此初二也 論云何有相毗鉢舍那 演
日三釋文中復分爲三一釋有相二釋尋求三釋伺察
初中有二初徵後釋此初徵也 論謂純思惟至毗鉢
舍那 演日後釋謂純思惟分別影像相分名有相毗
鉢舍那 論云何尋求毗鉢舍那 演日二釋尋求文
中分二初徵後釋此初徵也 論謂由慧故至毗鉢舍
那 演日後釋可解 論云何伺察毗鉢舍那 演日
三釋伺察文中分二初徵後釋此初徵也 論謂由慧

故至毗鉢舍那 演日後釋易知 論世尊至凡有幾

種 演日後明止中文分爲二初問後答此初問也

論善男子至亦有三種 演日後答之中文分爲三一

約三種釋二約八種釋三約四種釋此初也 論復有

八種至奢摩他故 演日二約八種釋 論復有四種

至奢摩他故 演日三約四種釋 論世尊如說至名

不依法 演日八隨法信行門文中分三一問二答三

結此初也 論善男子至名不依法 演日二答 論

由依止法至是鈍根性 演日三結 論世尊說緣至

毗鉢舍那 演日九緣法別惣門文中分四一明緣別

緣惣得名之因由二明緣小緣大緣無量惣法三明齊
幾何緣名得緣惣法四明從何名通達從何名得初中
分二初問後答此初問也 論善男子至毗鉢舍那

演曰後答意云若諸菩薩緣於十二分教各別契經等
法於所受所思惟法修其止觀是名緣別法止觀若諸
菩薩即緣一切契經等法即是惣緣十二分教乃至如

瑜伽師地論義演卷第三十一

二十

素

是思惟修其止觀是名緣惣法止觀聞慧名隨順真如
思慧名趣向真如修慧名臨入真如即臨入初地也
論世尊如說至毗鉢舍那 演曰二明緣小緣大緣無

量惣法文中分二初問後答此初問也 論善男子至

毗鉢舍那 演曰後答 論世尊菩薩至毗鉢舍那

演曰三明齊幾何緣名得緣惣法文中分二初問後答

此初問也 論善男子至轉勝妙因 演曰後答也

論世尊此緣至從何名得 演曰四明從何名通達從

何名得文中分二初問後答此初問也 論善男子至

不應懈廢 演曰後答也 論世尊是奢至三摩地

演曰十有尋等三門文中分二初問後答此初問也

論善男子至三摩地 演曰後答之中有二復次釋如

文易知 論世尊云何至云何捨相 演曰十一止等

三相門文中分二初問後答此初問也 論善男子至
是名捨相 演曰後答也 論世尊至云何知義 演
曰十二知法知義門文中分二初問後答此初也 論
善男子至五者知惣 演曰後答之中文分爲二初明
知法後辯知義初中有三一標列惣答二依標別釋三
結答前問此即初也 論云何爲名至想假施設 演
曰二依標別釋文分爲五一釋知名二釋知句三釋知
文四釋知別五釋知惣初中分二初徵後釋 論云何
爲句至依持建立 演曰二釋知句文中有二初徵後
釋 論云何爲文至所依止字 演曰三釋知文於中

有二初徵後釋 論云何於彼至所緣作意 演曰四
釋知別文中有二初徵後釋 論云何於彼至所緣作
意 演曰五釋知惣文亦有二初徵後釋 論如是一
切至菩薩知法 演曰三結答前問 論善男子至知

瑜伽師地論義演卷第三

二十一

素

清淨義 演曰後辯知義文中有四一知十種義二知
五種義三知四種義四知三種義初中分三一標列惣
答二依標別釋三結答前問此即初也 論善男子至
如是一切 演曰二依標別釋文有其十一釋盡所有
性二釋如所有性三釋能取義四釋所取義五釋建立

義六釋受用義七釋顛倒義八釋無倒義九釋雜染義
十釋清淨義此即初也 論如所有性至平等平等
演曰二釋如所有性 論能取義者至及諸心法 演
曰三釋能取義 論所取義者至亦所取義 演曰四
釋所取義 論建立義者至諸器世界 演曰五釋建
立義 論受用義者至攝受資具 演曰六釋受用義
論顛倒義者至心倒見倒 演曰七釋顛倒義 論無
倒義者至應知其相 演曰八釋無倒義 論雜染義
者至生雜染 演曰九釋雜染義 論清淨義者至菩
提分法 演曰十釋清淨義 論善男子至一切諸義

演曰三結荅前問 論復次善男子至於此覺了 演
曰二知五種義文中有三一標列惣荅二依標別釋三
結荅前問此即初也 論善男子至如是一切 演曰
二依標別釋文中有五一釋遍知事二釋遍知義三釋
其遍知四釋遍知果五釋此覺了此即初也 論遍知
義者至名遍知義 演曰二釋遍知義 論言遍知者
至或正斷等 演曰三釋其遍知 論得遍知果至於
彼作證 演曰四釋遍知果 論於此覺了至宣揚開
示 演曰五釋此覺了 論善男子至一切諸義 演
曰三結荅前問 論復次善男子至名為知義 演曰

三知四種義文中分四一標二微三釋四結此初也

論何等四義 演曰二微 論一者心執至清淨義

瑜伽師地論義演義卷第三十一 第三十二張 素字号

演曰三釋 論善男子至一切諸義 演曰四結 論

復次善男子至三者界義 演曰四知三種義文中分

三一標列惣答二依標別釋三結答前問此即初也

論善男子至謂名身等 演曰二依標別釋文中有三

一釋文義二釋義義三釋界義此即初也 論義義至

功德相 演曰二釋義義 論言界義者至方便界

演曰三釋界義 論善男子至一切諸義 演曰三結

荅前問

論世尊至此何差別

演曰十三三慧差別

門文中分二初問後荅此初問也

論善男子至成解

脫義

演曰後荅分二初正釋三慧差別後結成三慧

差別此即初也此中說三慧皆緣名義初於聽聞以文

爲先而觀義者名爲聞慧次依思慮以義爲先而觀文

者名爲思慧次依於修俱於文義證解明了名爲修慧

此在因位八地已上一體義分七地已前各有別體在

佛位中無未曾得都無聞思唯有修慧然諸聖教隨彼

所宜相增別說緣名義異理實如是 論善男子至知

義差別

演曰後結成三慧差別

論世尊至云何爲

見演曰十四智見差別門文中分二初問後答此初也論善男子至是名爲見演曰後答論世尊至除遣諸相演曰十五遣相方便門於中有三一明作意除相二辯真如無相三釋經中妨難初中分二初問後答問中有三一問修止觀菩薩由何作意二問修止觀時除何等相三問云何觀行除遣諸相論善男子至如是除遣演曰後答分二初正答後例答此初答中文亦有三一修止觀菩薩由真如作意答初問也二修止觀時除遣法相及與義相即證真如時除遣影像似真如相三先於地前尋思如實種種推求知名等假

今入見道證真如時境智平等無分別行不得名之所
依之相故云若於其名及名自性無所得時亦不觀彼
所依之相如是除遣 論如於其名至如是除遣 演
日後例答如於其名句等例准故云當知亦乃至於
界亦同於名例釋可知 論世尊至餘所能伏 演曰
二辯真如無相於中有二初問後答如文可知 論世
尊至而作是說 演曰三釋經中妨難文中有二初問
後答此初問也 論善男子至作如是說 演曰後答
易知 論世尊至誰能除遣 演曰十六依空遣相門

於中有二初明別空遣相後辯惣空遣相初中分二初就增勝說一空治一相後據盡理論一空治諸相初中分二初明空除遣相後辯空所得果初中分二初問後答問中有二一問有幾種難可除遣二問誰能除遣

論善男子至空能除遣 演曰後答有二初惣後別惣中有二初有十種相答第一問後空能除遣答第二問論何等爲十 演曰二別答中文分爲二初徵後釋此初徵也 論一者了知至能正除遣 演曰後釋有十一者了知法義故有種種文字相答第一問此由一切法空能正除遣答第二問此一既余餘九例然皆有二

答准前應釋 論世尊至而得解脫 演曰二辯空所得果文中分二初問後答此初問也 論善男子至彼亦除遣 演曰後答可解 論善男子至治一切相 演曰後據盡理論一空治諸相於中有三一法二喻三合此初法說也 論譬如無明至親近緣故 演曰二喻況也 論此中道理當知亦尔 演曰三法合也 論世尊至離增上慢 演曰後辯惣空遣相文中分二初問後答此初問也 論尔時世尊至惣空性相 演曰後答分二初讚問許說後正答所問此初也 論善

男子至惣空性相 演曰後正荅所問言惣空者對別
立名約別而說前云一切法空乃至空空名爲別空據
惣而論此言依他及圓成實一切品類雜染清淨遍計
所執畢竟遠離及於此中都無所得名爲惣空若了此
空已即有二利一無失正行二離增上慢 論世尊至
三摩地 演曰十七能攝勝定門文中有二初問後荅
此初問也 論善男子至皆此所攝 演曰後荅可知
論世尊至以何爲因 演曰十八止觀因果門文中分
二初明其因後辯其果初中分二初問後荅此初問也
論善男子至以爲其因 演曰後荅學地止觀以清淨

尸羅清淨聞思所成正見以爲其因此是緣因若止觀
種子以爲正因 論世尊至以何爲果 演曰後辯其
果文中有二初問後答此初問也 論善男子至所得
之果 演曰後答以佛地善清淨心善清淨慧以爲其
果又無學聲聞及如來等所有世出世間一切善法皆
是學地止觀所得之果 論世尊至能作何業 演曰
十九止觀作業門文分爲二初問後答此初問也 論
善男子至及嚴重縛 演曰後答意云此止觀能解脫
相縛及嚴重縛爲業 論世尊至幾是俱障 演曰二
十止觀惑障門於中分二初明五繫中障後辯五蓋中

障初中分二初問後答此初問也 論善男子至不到

究竟 演曰後答如文易知 論世尊至幾是俱障

演曰後辯五蓋中障文分爲二初問後答此初問也

論善男子至當知俱障 演曰後答可解 論世尊至

圓滿清淨 演曰二十一圓滿清淨門於中有二初明

止後辯觀初中分二初問後答此初問也 論善男子

瑜伽師地論義演卷第三十三 第五張 素字号

至圓滿清淨 演曰後答也 論世尊至圓滿清淨

演曰後辯觀中文亦分二初問後答此初問也 論善

男子至圓滿清淨 演曰後答也 論世尊至心散動

法 演曰二十二止觀散動門文中有二初問後答此
初問也 論善男子至魚重散動 演曰後答分二初
標列惣答後依標別釋此即初也 論善男子至作意
散動 演曰後依標別釋文中有五一釋作意散動二
釋外心散動三釋內心散動四釋相散動五釋魚重散
動此即初也 論若於其外至外心散動 演曰二釋
外心散動 論若由惛沉至內心散動 演曰三釋內
心散動 論若依外相至名相散動 演曰四釋相散
動 論若內作意至魚重散動 演曰五釋魚重散動
論世尊至對治何障 演曰二十三止觀治障門文中

分二初問後答此初問也 論善男子至身證得障

演曰後答文中對治惡趣等十一障即是下說二十二
愚如彼廣辯更不預述文中分二初明菩薩地對治障
後辯如來地對治障此即初也 論善男子至清淨法
身 演曰後辯如來地對治障 論世尊至三菩提

演曰二十四修證菩提門文中分二初問後答此初問
也 論善男子至何況嚴相 演曰後答有三一標二
釋三結此初標也 論善男子至作意思惟 演曰二
釋有二初依法說後舉喻明此初也有爲異相者色心
等異故有爲同相者苦無常等同故或知一切等者知

一切法既是一切已即有一切相也由得奢摩他等者
由得止觀故已得二種所緣謂有分別影像所緣及無
分別影像所緣此二所緣皆是地前止觀所緣彼於今
時得見道故更證得第三事邊際所緣以彼真如遍諸

瑜伽師地論義演卷第三十第廿六張 素字号

事法名事邊際復於後後等者此明修道復於見道之
後後九地中進修修道即於如是前來三種所緣作意
思惟 論譬如有人至出於魚楔 演曰後舉喻明文
中分二初喻後合此初喻也 論如是菩薩至成滿所
緣 演曰後合之中如是菩薩依此喻中以其細楔出

於巖楔合中以其方便遣內細相故一切隨順雜染心相皆悉除遣由細相除遣故巖重亦遣永害一切相巖重故漸次於彼後後地中如鍊金法陶鍊其心乃至證得無上菩提又得所作成滿所緣者地前已得初二所緣見道方得事邊際所緣佛地則得所作成滿所緣

論善男子至三菩提

演曰三結也

論世尊至廣大

威德

演曰二十五引發威德門文中分二初問後答

此初問也

論善男子至善知方便

演曰後答分三

一標列惣答二依標別釋三結引發時此即初也

論

云何善知心生

演曰二依標別釋文分爲六一釋善

知心生二釋善知心住三釋善知心出四釋善知心增
五釋善知心滅六釋善知方便此初有二初徵後釋此
初也 論謂如實知至善知心生 演曰後釋分二初
揔標釋後別牒釋 論十六行心至不相應識 演曰
後別牒釋一者不可覺知堅住者謂賴耶行相難知名
不可覺知相續不斷而住名爲堅住能變能緣外器世
界名爲器識謂阿陀那如前已釋二者種種行相所緣
識等者即第六意識隨作一種行解頓取諸法故言種
種行相所緣識生謂頓取一切色等境界分別意識言
及頓取內外境界覺受者身識頓取內外觸境而生覺

瑜伽師地論義演卷第三十一 第二十七張 素字号

受言或頓於一念等者此據大地菩薩後得智在定見
多佛等故云分別意識三四小大相所緣識生謂欲色
繫識據緣二界內身故有小大五六七三緣四無色八
者無相識生等者謂無漏識無七種相名無相識及緣
滅識者緣滅定識也九至十三明三受俱行識十四至
十六辯染淨無記識 論云何善知心住至了別真如
演曰二釋善知心住文具徵釋 論云何善知心出至
從如是出 演曰三釋善知心出文具徵釋如前可知
論云何善知心增至名善知心增 演曰四釋善知心

增具徵釋結 論云何善知心滅至名善知滅 演曰
五釋善知心滅具徵釋結 論云何善知方便至或修
或遣 演曰六釋善知方便文具徵釋 論善男子至
或現引發 演曰三結引發時 論世尊至於此永滅
演曰二十六涅盤滅受門文中分二初問後答此初問
也 論善男子至境界受 演曰後答有二初明所依
麤重彼果境界二種之受後辯有餘無餘涅盤界中滅
受多少初中有二初標列惣荅後依標別釋此即初也
論所依麤重至未來因受 演曰後依標別釋文中
有二初釋所依麤重受後釋彼果境界受此即初也所依

廠重者謂內六根生受名爲所依體是有漏由有煩惱
廠重不調果性之所隨逐名所依廠重受當知有四種
一者有色所依受即五識受二者無色所依受即意識
受三者果已成滿廠重受謂現在苦受四者果未成滿
廠重受謂業煩惱是未來因受 論彼果境界至願戀
受 演曰後釋彼果境界受者謂外五塵由內五根勢
力引生即是內根之果是故說名彼果境界受亦有四
種一者依持受謂器世界是依持緣法之所生受名依
持受二者資具受可知三者受用受即前二受受用器
界及以資具名受用受四者願戀受即願戀財物之受

論於有餘依至無餘永滅 演曰後辯有餘無餘涅槃
界中滅受多少 論今時世尊至當正修學 演曰後
讚述勸學如文易知 論今時世尊至汝當學 演曰
後以頌結成言於法假立至得大覺者此初一頌結前
長行第一門云善男子當知菩薩法假安立及不捨無
上正等覺願爲依爲住於大乘中修奢摩他毗鉢舍那
違之即失於大義順之乃大覺得成第二頌教修無相
自利之行見有所得無相不成第三頌教修無相利他
之行第四頌染心說法虛損其切第五頌勸捨戲論修

學瑜伽 論介時慈氏至云何奉持 演曰二請立經
名文中有二初問後答此初問也 論佛告慈氏至汝
當奉持 演曰後答 論說此瑜伽至瑜伽作意 演曰
三時衆得益發菩提心得法眼淨心得解脫等如前已
釋更不繁述

論卷第七十八 攝決擇分中菩薩地之七

論復次依乘至如實大乘 演曰第六如實大乘文中
分二初標後釋此初也 論當知如解深密經中 演
曰後釋中分二初標說處後引經釋此初也 論觀自
在菩薩至幾分所攝 演曰後引經釋文中分三一辯

諸地義二請立經名三時衆得益初中分二初長行廣
辯後以頌結成初復分四一辯諸地清淨攝義二彰地
中所有學法三明地中所有煩惱四釋唯說一乘密意
初中分六一辯諸地清淨攝義二釋諸地得名因由三
明地中所對治法四彰諸地清淨通德五說四緣菩薩
生勝六顯菩薩行諸大願初中復二初問後答此初申
其二問一問諸地幾種清淨二問諸地幾分所攝梵云
阿縛盧枳帝濕伐邏耶此云觀自在觀三業歸依而拔

瑜伽師地論義演卷第三十一 第二十九張

業字号

衆苦略云觀音 論佛告觀自在至十一分攝 演曰

後答分二初標數惣答後依標別釋此初也 論云何
四種清淨能攝諸地 演曰後依標別釋文分爲二初
釋四種清淨後釋十一分攝初中分三一徵二釋三結
此初徵也 論謂增上意至乃至佛地 演曰二釋也
論善男子至普攝諸地 演曰三結答可知 論云何
十一至能攝諸地 演曰後釋十一分攝文中分三一
徵二釋三結此初徵也 論謂諸菩薩至猶未圓滿
演曰後釋十一分攝十一地一一地中皆有二分一自
分圓滿二勝進分未圓滿文中分爲十一段此第一分
攝初地 論爲令此分至猶未圓滿 演曰第二分攝

二地 論爲令此分至猶未圓滿 演曰第三分攝三地 論爲令此分至猶未圓滿 演曰第四分攝四地 論爲令此分至猶未圓滿 演曰第五分攝五地 論爲令此分至猶未圓滿 演曰第六分攝六地 論爲令此分至猶未圓滿 演曰第七分攝七地 論爲令此分至猶未圓滿 演曰第八分攝八地 論爲令此分至猶未圓滿 演曰第九分攝九地 論爲令此分至猶未圓滿 演曰第十分攝十地 論爲令此分至皆得圓滿 演曰第十一分攝十一地 論善男子 至普攝諸地 演曰三結答可知 論世尊至說名佛

地 演曰二釋諸地得名因由文中分二初問後答此
初問也 論善男子至名極喜地 演曰後答文中分
十一段此即第一極喜地也具證二空能益自他名成
就大義初獲大士聖性名得未曾得出世間心從上三
因生大歡喜是故最初名極喜地唯識論云一極喜地
初獲聖性具證二空能益自他生大喜故 論遠離一

瑜伽師地論義演卷第三十一 第三十張 素字号

切至名離垢地 演曰二離垢地此由具淨尸羅遠離
一切微細犯戒因此彰名爲離垢地唯識論云二離垢
地具淨尸羅遠離能起微細毀犯煩惱垢故 論由彼

所得至名發光地 演曰三發光地三地菩薩成就勝
定及聞持陀羅尼能爲無量智光依止從此得名爲發
光地唯識論云三發光地成就勝定大法惣持能發無
邊妙慧光故 論由彼所得至名焰慧地 演曰四焰
慧地四地所得菩提分法以慧焰火燒煩惱薪由此立
名爲焰慧地唯識論云四焰慧地安住最勝菩提分法
燒煩惱薪慧焰增故 論由即於彼至極難勝地 演
曰五極難勝地真俗兩智行相不違合令相應最極艱
難即一念中二智並起真俗雙照名曰相應從此彰名
極難勝地唯識論云五極難勝地真俗兩智行相不違

合令相應極難勝故 論現前觀察至名現前地 演
曰六現前地由現前加行智先觀諸行流轉又於無相
多修作意引生無分別智方現在前因此立名爲現前
地唯識論云六現前地住緣起智引無分別最勝般若
令現前故 論能遠證入至名遠行地 演曰七遠行
地謂從初地至於七地經一僧祇修無相行方得無閒
證入無相與第八清淨地共相隣接由此彰名爲遠行
地唯識論云七遠行地至無相住功用後邊出過世間
二乘道故 論由於無相至名不動地 演曰八不動
地眞智得無功用不爲功用所動俗智雖有功用不爲

現行煩惱所動從此彰名爲不動地唯識論云八不動地無分別智任運相續相用煩惱不能動故 論於一切種至名善慧地 演曰九善慧地成就微妙四無礙解於一切種善達機宜說法自在獲得無量廣大智慧

瑜伽師地論義演卷第三十一

卅一

素

由此立名爲善慧地唯識論云九善慧地成就微妙四無礙解能遍十方善說法故 論應重之身至名法雲地 演曰十法雲地無邊煩惱所知障體所有隨眠不調柔性名應重身廣如虛空十地所證法身圓滿皆能遍覆如空應重從此彰名爲法雲地唯識論云十法雲

地大法智雲含衆德永救如空應重充滿法身故 論
永斷最極至說名佛地 演曰十一佛地釋得名因文
顯易知 論世尊至爲所對治 演曰三明地中所對
治法文今爲四一觀音請問二如來酬答三結成前義
四讚所得果此初問也 論善男子至爲所對治 演
曰二如來酬答文中有二初標數慈答後依標別釋此
即初也 論謂於初地至爲所對治 演曰後依標別
釋文中分十一段一明初地二愚一應重一者執著補
特伽羅及法愚癡即是我法二執二者惡趣雜染愚癡
即彼惡趣諸業果及無想天北俱盧州等問何故業果

亦名爲愚荅准唯識通云應知愚品惣說爲愚後准此
釋論王意云諸業果等雖體非愚業是愚所起果是愚
所感愚之品故亦名爲愚後諸地言愚准於此解如第
二地業趣愚非體是愚故又初執著我法愚中亦有貪
見等體非是愚亦愚之品故下准此知及彼嚴重論有
二釋一云顯彼二種即二愚種子名爲嚴重二云或二
所起無堪任性即二愚習氣名爲嚴重後十嚴重皆有
二釋准此應知 論於第二地至爲所對治 演曰二
明二地二愚一嚴重一者微細誤犯愚癡謂所知障中
俱生一分能發三業所知障也二者種種業趣愚癡即

所起三業是愚品故亦得愚名 論於第三地至爲所
對治 演曰三明三地二愚一嚴重一者欲貪愚癡由

瑜伽師地論義演卷第三十一

世二

素

貪妙欲多住散亂能障於定及障修慧以修慧與定相
隣近故偏說障修非不障於聞思二慧問何以得知欲
貪愚癡障定及修答唯識論云一欲貪愚即是此中能
障勝定及修慧者問欲貪乃是煩惱之名如何所知障
中名爲欲貪答彼所知障多與煩惱中欲貪俱故名欲
貪愚癡非所知障體名爲欲貪今得勝定及修所成彼
所知障爲本旣斷煩惱是末而亦隨伏何所以耶以此

煩惱無始已來依所知障而方起故唯識論云彼昔多
與欲貪俱故名欲貪愚今得勝定及修所成彼既永斷
欲貪隨伏此無始來依彼轉故二者圓滿聞持陀羅尼
愚癡此障惣持及聞思二慧以聞思二慧與彼聞持相
隣近故偏說爲障非不障修論於第四地至爲所對
治 演曰四明四地二愚一重一者等至愛愚癡二
者法愛愚癡第三地中於定及法猶染著故即與內證
菩提分法特相違害入四地時便能永斷唯識論云身
見等言亦攝無始所知障攝定愛法愛彼定法愛三地
尚增入四地時方能永斷菩提分法特違彼故 論於

第五地至爲所對治 演曰五明五地二愚一嚴重一者一向作意棄背生死愚癡二者一向作意趣向涅槃愚癡謂所知障中俱生一分令狀生死樂趣涅槃同下二乘狀苦欣滅此地真如名無差別故緣彼道名無差別生死涅槃既無差別何得有狀復有欣耶唯識論云彼障五地無差別道入五地時便能永斷論於第六地至爲所對治 演曰六明六地二愚一嚴重一者現前觀察諸行流轉愚癡即觀苦集流轉染相二者相多現行愚癡即觀滅道還滅淨相由前地中觀四諦故有二染二淨故障六地無染淨道此地真如無染淨故緣彼

之道名無染淨唯識論云謂所知障中俱生一分執有
染淨麤相現行彼障六地無染淨道入六地時便能永
斷 論於第七地至爲所對治 演曰七明七地二愚
一麤重一者微細相現行愚癡即是此中執有生者猶
取流轉細生相故據實具執生滅二相恐濫還滅故但
說生非不執滅二者一向無相作意方便愚癡即是此
中執有滅者尚取還滅細滅相故唯識論云謂所知障
中俱生一分執有生滅細相現行彼障七地妙無相道
入七地時便能永斷 論於第八地至爲所對治 演

曰八明八地二愚一處重一者於無相作功用愚癡二者於相自在愚癡唯識論云謂所知障中俱生一分令無相觀不任運起乃至由無相中有加行故未能任運現相及土如是加行障八地中無功用道故若得入八地時便能永斷彼永斷故得二自在 論於第九地至爲所對治 演曰九明九地二愚一處重一者於無量說法無量法句文字後後慧辯陀羅尼自在愚癡於無量說法陀羅尼自在者謂義無礙解即於所詮惣持自在於一義中現一切義故於無量法句文字陀羅尼自在者謂法無礙解即於能詮惣持自在於一名句字中

現一切名字故於後後慧辯陀羅尼自在者謂詞無礙
解即於言音展轉訓釋惣持自在於一音聲中現一切
音聲故二者辯才自在愚癡辯才自在者謂辯無礙解
善達機宜巧爲說故愚能障此四種自在皆是此中第
九障攝 論於第十地至爲所對治 演曰十明十地
二愚一嚴重一者大神通愚癡即是此中障所起事業
者二者悟入微細秘密愚癡即是此中障大法智雲及
所含藏者唯識論云謂所知障中俱生一分令於諸法

不得自在彼障十地大法智雲及所含藏所起事業入

十地時便能永斷論於如來地至爲所對治 演曰
十一明如來地二愚一塵重一者於一切所知境界極
微細著愚癡即是此中微所知障二者極微細礙愚癡
即是此中一切任運煩惱障種唯識論云此地於法雖
得自在而有餘障未名最極謂有俱生微所知障及有
任運煩惱障種金剛喻定現在前時彼皆頓斷入如來
地故集論說得菩提時頓斷煩惱及所知障成阿羅漢
及成如來證大涅槃大菩提故 論善男子至離彼繫
縛 演曰三結成前義 論世尊至三菩提 演曰四
讚所得果 論世尊至之所安立 演曰四彰諸地清

淨通德文中分三一問二荅三結此初問也 論善男子至威德清淨 演曰二荅 論善男子至當知無上演曰三結 論世尊至最爲殊勝 演曰五說四緣菩薩生勝文中分二初問後荅此初問也 論善男子至除他染故 演曰後荅 論世尊至妙願勝願 演曰六顯菩薩行諸大願文中分二初問後荅此初問也 論善男子至妙願勝願 演曰後荅發廣大心爲欲利益諸有情故處長時大苦名廣大願修一切善故名妙願斷一切惡故名勝願 論世尊至所應學事 演曰二彰地中所有學法文有二十三段一明六度爲所學

事於中分二初問後答此初問也 論善男子至慧到
彼岸 演曰後答也 論世尊至慧學所攝 演曰二
明三學六度相攝文中有二初問後答此初問也 論
善男子至遍於一切 演曰後答可知 論世尊至資
糧所攝 演曰三明福慧六度相攝文中分二初問後
答此初問也 論善男子至遍於一切 演曰後答也

瑜伽師地論義演卷第三十一 第卅五張

素字号

論世尊至應當修學 演曰四明修學由五種相文中
分二初問後答此初問也 論善男子至勒修善品
演曰後答也 論世尊至但有六數 演曰五明六度

數無增減文中分二初問後答此初問也 論善男子
至一切煩惱 演日後答分二初標數惣答後依標別
釋此初也 論前三饒益至饒益有情 演日後依標
別釋文中分二初牒釋前三後牒釋後三此即初也
論後三對治至永害隨眠 演日後牒釋後三 論世
尊至但有四數 演日六明後四數無增減文中分二
初問後答此初問也 論善男子至爲助伴故 演日
後答分二初惣標後別釋此即初也 論謂諸菩薩至
而爲助伴 演日後別釋分四一釋方便二釋願度三
釋力度四釋智度此即初也 論若諸菩薩至而爲助

伴 演曰二釋願度 論若諸菩薩至而爲助伴 演
曰三釋力度 論若諸菩薩至而爲助伴 演曰四釋
智度 論世尊至如是次第 演曰七明六度次第因
由文中分二初問後答此初問也 論善男子至如是
次第 演曰後答也 論世尊至品類差別 演曰八
明六度品類差別文中分二初問後答此初問也 論
善男子至有情慧 演曰後答 論世尊至波羅蜜多
演曰九明彼岸得名因緣文中分二初問後答此初問
也 論善男子至正廻向故 演曰後答分二初標列
惣答後依標別釋此即初也 論無染著者至大菩提

果 演日後依標別釋攝大乘說於世間二乘施等最
勝能得彼岸故通言波羅蜜多對法十一說由與十二
種最勝相應故名波羅蜜多一廣大最勝不求一切世
間樂故又最上故二長時最勝經三大劫阿僧企耶所

論集卷第三十一 第廿六張 素字號

積習故三所爲最勝爲利益安樂一切有情故四無盡
最勝由迴向大菩提究竟無盡故五無間最勝由得自
他平等勝解令諸有情於施等波羅蜜多速圓滿故六
無難最勝唯由隨喜他所行施等令波羅蜜多速圓滿
故七大自在最勝由得虛空藏等諸三摩地令布施等

波羅蜜多速圓滿故八攝受最勝無分別智所攝受故
九發起最勝謂解行地中上品忍位所行施等波羅蜜
多十證得最勝謂初地中所得施等波羅蜜多十一等流
最勝謂餘八地中所行施等波羅蜜多十二圓滿最勝
謂第十地及如來地所行施等波羅蜜多如其次第菩
薩圓滿故佛圓滿故若闕一種非波羅蜜多復次最勝
所作故最勝所至故名波羅蜜多一切佛菩薩所爲所
到故波羅所作所至義蜜多能作能至義復次到所知
彼岸故名波羅蜜多安住佛性故波羅是所知彼岸義
蜜多是到義復次濟度自他最極災橫故名波羅蜜多

能令自他越度生死大苦海故此亦兼解六揔名訖

論世尊至諸相違事 演日十明六度六相違事文中

分二初問後答此初問也 論善男子至及與勝利

演日後答如文 論世尊至何果異熟 演日十一明

六度各所得果文中分二初問後答此初問也 論善

男子至有大宗葉 演日後答對法云能捨施者當來

貧苦能捨受者現在熱惱故名爲施能令諸根永寂靜

故能趣清淨諸善趣故能爲清涼所依處故說名爲戒

隨其次第能引守護諸根門故是徃清淨善趣因故能

爲無悔等漸次乃至涅槃所依故遠離一切忿熱灰故

遠離不捨怨害心故顯發損者常安隱故說名為忍怨
害心者謂起報怨心不捨者謂不棄此心能壞怨心名

瑜伽師地論義演卷第三十一 第卅七張

素字号

爲損者顯此無畏故名顯發損者常安隱故損害生長
作用相應故名精進損害作用相應者謂前二正斷以
能損害大善法故生長作用相應者謂後二正斷以能
生長諸善法故能持能息能靜能調又能引發故名靜
慮能持者謂於境繫心能息者謂息諸散亂能靜者謂
令心寂靜能調者謂制伏諸纏能引發者謂能引發自
在作用他所發智故內證智故種別智故得寂靜智故

勝德智故故名爲慧他所發智者謂從他言音所生慧
及如理作意相應慧內證智者謂出世間慧種別智者
謂出世間後所得慧得寂靜智者謂修道中治煩惱慧
勝德智者謂能引發勝功德慧此亦兼解別名訖

瑜伽師地論義演卷第三十一